

Digitalna platforma i razvoj bibliotečke infrastrukture za upravljanje digitalnim resursima

Sažetak

Opravdana su bila očekivanja da će fokus na digitalno okruženje uticati na smanjenje interesa za knjigu i biblioteku, što se posebno odnosi na generacije rođene devedesetih godina prošlog stoljeća (i kasnije) – tzv. Generacija Y ili Generacija Z. S tim u vezi, već sada je evidentno da su se hipertekst i elektronska knjiga jednostavno i lako nametnuli kao "prvi" izbor spomenutoj generaciji. U radu će biti riječi o razvoju informacionih tehnologija te novim obavezama i zadacima koji se stavljaju pred biblioteke i bibliotekare – posebno u smislu daljeg razvoja bibliotečke informacijske infrastrukture koja će omogućiti jedinstveno upravljanje digitalnim resursima. Prilagoditi bibliotečku infrastrukturu na način da je moguće upravljati novim, elektronskim sadržajima podrazumijeva i izgradnju sistema za korištenje istih – prvenstveno se imaju u vidu e-knjige. Kao jedno od mogućih rješenja nameće se stvaranje jedinstvene digitalne platforme na nivou BiH, a problematizira se pitanje e-izdavaštva, agregatora e-knjiga, izgradnja sistema za posudbu e-knjige, zaštita autorskih prava korištenjem digitalne građe... Sve ovo je od velike važnosti za bibliotekare današnjice jer će, u protivnom, biblioteke "iščeznuti" zajedno sa generacijama predinformatičkog doba.

Ključne riječi: e-knjiga, e-čitač, digitalna platforma, agregatori e-knjiga, upravljanje digitalnim pravima (DRM)